

Pro Re Nata 54 – Kabita – Short – Bratopalon – Bharoti Bandhopadhyay

প্রো রে নাট ৫৪ – ব্রতপালন – ভারতী বন্দ্যোপাধ্যায়

এই কথাটা ঠিক বলেছ গৌঁসাই,
তোমার আমার কষ্টীবদল হলে
পৃথিবীর সব ঈর্ষ্যাগাছের গোড়ায়
দু এক ফোঁটা বৃষ্টি পড়বে বারে।

আমিও আমার তরুণ অঙ্গ মেজে
তোমার সঙ্গে গানের মাধুকরী,,
গাঁ শহরের সবার ঘরে ঘরে
বৌ - বিয়েরা মারবে উঁকি - ঝুঁকি।

পথে যেতে কৃষ্ণচূড়ার তলে
চূড়ার মধ্যে সাজিয়ে নেব ফুল
আমরা শুধু হাঁটব মাধুকরী
ভালবাসায় আর হবে না ভুল।

Kabita – Short – Nasto – Baghbat Roy

প্রো রে নাট ৫৪ - নষ্ট - ভাগবত রায়

কোন রাতে একফালি চাঁদ
কোন রাতে জ্যোৎস্না ধুয়ে দেয়
কোন রাত শুধু অমানিশা
ভরে থাকে ঘোর তমসায়।

কোন রাতে সাহারার ধূ-ধূ
কোন রাতে সাগরের ঢেউ
কোন রাত কাঁদায় আমাদের
কোন রাতে নষ্ট করে কেউ।